


## LES MADREÑES

La madreña ye una pieza de calzáu fecha de madera y que cuenta con trés tacos p'apoyar en suelu. El so usu ta venceyáu a los llabores del campu, na güerta o la cuadra. Protexe los pies de la humedá porque la madera ye un material afayadizu p'andar per terrenos embarraos, mui habituales n'Asturies.

El madreñeru o madreñera ye la persona que s'encarga de la fabricación d'esti calzáu. Cola evolución de los años y l'emplegu de zapatielles de casa, la so elaboración modificóse, faciéndoles más anches pa poder meter les zapatielles nelles. Pueden ser nidies, barnizaes, pero tamién les hai que tán decoraes o pintaes.

Nel pasáu había en toda Asturies más de mil persones que se dedicaben a facer madreñes, pero anguaño'l so númberu anda pela docena. Tamién esiste la so fabricación industrial, porque son mui cómodos y impermeables p'andar pel campu. Asina, nun ye difícil ver a xente usándoles anguaño.

Rodrigo Cuevas, cantante bien famosu n'Asturies, utilízales nos sos conciertos y hai xente que cuerre la San Silvestre con elles.



**¿Por qué les madreñes son un calzáu mui afayadizu n'Asturies?**

---

**¿De qué material tán feches les madreñes?**

---

**¿Qué crees que tien más impactu nel mediu ambiente, la fabricación de madreñes o de zapatos? ¿Por qué?**

---

---

**¿Probasti alguna vez les madreñes? Si non, ¿prestaríate facelo? ¿Por qué?**

---

---

Ángela Díaz y Carla Amado son dos alumnos de la Escuela Superior d'Arte d'Asturies que decidieron crear el diseñu qu'apaez na semeya. Piensa cómo podríes facer un diseñu d'una madreña modernu. Dibúxalo y, depués, fai una descripción del dibuxu comentando cómo son les madreñes, el material, los complementos, pa qué s'utiliza, etc. Tienes de facelo como si fuera un anunciu publicitariu.



Descripción del productu:

---

---

---

---

---

---

---

---

---

---

---